



For Immediate Release

## Division of Elections-at Ayagnillerkait Top Four Primary-q Ranked Choice Voting-aq-llu

**March 1, 2021 (JUNEAU, AK) –** *Better Elections Initiative*-aq aturyaurciiquq February 28-ami. Cucuklitulit cucuklirciqut nutarami political party-nun allakaumanriIngurni Top Four Primary-mi (Citaman cucukestalriit amllenritneng cucukumallret cucukliqaraarutiitni) August 16, 2022-ami, Cucuklirypagyarami-llu tungliquureluki naaqtuliluki cucuklirluteng (Ranked Choice Voting) November 8, 2022-ami.

*Division of Elections*-at cimiutait cucuklitulit tangerrsumaciiqait; ayagneqluki nutartellrit cucuklircitaararkat imirarkait maligtaquluku nutaraq alerquun. Ilakluku, *DOE*-m aturciqai nutarat kitukanillret-llu picirkangutet ayagnillerkaanun nutaram alerquutem. Caliaqellra *Alaska*-m cucukliryaaran cimillra cucukliriit civuniullratnun calirpagnarquq ak'aninaqluni-llu, taugaam *DOE*-m cumigutkaak aassaqucimanritlerkaq ilagaucuumallrit-llu cucuklitulit.

Arcaqalriit cimiutekat ilait ukuugut:

- **Cucuklirrsuun atauciugarkauluni cucukliqaraarutmi.** Tamalkurmeng cucukestalriit alngauyngaciiqut *political party*-nun ilagauyngallrit aturpegnaki. Keyiiraan citaman cucukestalriit amllenritneng cucukumallret cucukliqaraarutmi egmiruciiqait cucuklirpagyaramun. Cucukliqaraarutem aturngaitaa *RCV*-q.
- **Cucukestalriit kaigan aturnanrillerkait.** Cucukestalriit cucukliqaraarutmi alngaucimaksailnguut cucuklirpagyaram cucuklirsuutiini alngaucimangaitut. Cucukliqaraarutmi cucukestallrunrilinguut alngaucicumaut Cucuklirpagyarami.
- **Ayuqenrilinguut cucuklirsuutekat ayuqucirkait/alerquutait Cucuklirpagyarami.** Cucuklitulit tungliquiryuumaciqut cucukestalrianeng cucukiyuumaluteng-llu amllerneng wall'u-qa ikgelngurneng alngaucimalrianeng cucukestalrianeng (wall'u-qa alngauciluteng cucukekngamegneng) tungliquurkamegneng. Kiyarrniaraci *division*-am *website*-aani Cucuklirpagyaram cucuklirsuutiin ayuqii.

- **Keyiirraan civuqliit naaqerrallrit qanrutkumaciqt Cucuklillrita Atakuani.** Una ayuquq civuani cucukliryaraicitun cali ukut naaqerraarutekciqluki.
- Cucukestalriartaikan avegmeng wall'u-qa amllenraneng cucuklillerneng, naaqenqigciiqait **15-at erenret cucuklillrem kinguani**, cucuklirrsuutet civuniullrit naaqellrit-llu kinguatni.

**Director Gail Fenumiai qanertuq**, “*Division of Elections*-aq upingauq aturyaurcukaarluki cucuklitulit piyuutait.” “Alrrakuq cipluku, calillguttekciqarput *Alaska*-rmiut kangingnaurulluki qaillun makut cim’iit agtuumaciiqellerkait cucukliryaraq cali cucuklitulit upingaciqt 2022-ami. Calirpautekuurarciaqarput elluarrluku cimillerkaa cucukliryaram.”

Elicallerkait cucuklitulit *Top Four Primary*-meng *RCV*-meng-llu arcaqalriaruq elluarillerkaanun cucukliryaram. *DOE*-m cumigutai cucuklirtet taringenqegcaarallerkait qaillun tamarkeggenka cucukliryaraak, ilakluki cimiutait maligtaquarkait cucukestalriit imirillritnun, cucuklillritnun, cucuklirvigmi calilrianun, nutaranun-llu naaqiyarait.

*DOE*-t taringnarqelrianeng elicararutkiurtut assillratgun nallunairiyaratgun *internet*-atgun, *tv*/niicugnissuutetgun, *website*-atgun, calillgutkiyaratgun, kalikatgun-llu. Ayagnillerkangqertuq *May 2021*-ami.

*DOE*-m tangvagluku *Maine*-am atulqengaku *RCV*-q 2020-m Cucuklirpagyaraani, nallunritesqumaluki *Alaska*-m cucuklirtai qaillun *RCV*-m caliyaraaneng. Cucuklirtet tangvagyuumait *Maine*-am *RCV*-q kangingnaullratgu *video*-mi wani <https://youtu.be/3Ez3aEUjRQo>. Nallunritnarquq *RCV*-rkun cucuklirarkat amllenruciqut *Alaska*-mi ayuqevkenateng *Maine*-artun.

*DOE*-m ilallrui *RCV*-m *FAQ*-rit (apqaurutait piculriit-llu) *website*-ameggnun, [www.elections.alaska.gov](http://www.elections.alaska.gov). Nutarquurciqait qaqiciaqameng nallunritarkameggneng. Cucuklitulit apqauriyuumaut *RCV*-m tungiinun *DOE*-q *email*-arluku, [elections@alaska.gov](mailto:elections@alaska.gov). *Division*-am *website*-aa, caliaqurarait, kitugikanirturluku, cimirturluku-llu, nallunairiciquq *RCV*-meng ilakluki: cucuklirrsuutet ayuqait; elicarissutneng *video*-neng; atullerkait nutarcimalriit taqlerkiurait-llu.

###

Alngarluku wall'u-qa Tuqlurluku: Tiffany Montemayor – Public Relations Manager,  
Division of Elections:  
[GOV.elec.media@alaska.gov](mailto:GOV.elec.media@alaska.gov) or (907) 465-4611